

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 39. stav (3) i 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj 25/24), na prijedlog Ministarstva zdravstva, Vlada Zeničko-dobojskog kantona, na 69. sjednici, održanoj dana 28.02.2025. godine, d o n o s i

O D L U K U

o usvajanju Programa utroška sredstava Ministarstva zdravstva na poziciji Transfer drugim nivoima vlasti - „Tekući transfer za JU Institut za zdravlje i sigurnost hrane Zenica – Projekat HPV vakcinacija – Izvor 10“ Budžeta Zeničko-dobojskog kantona za 2025. godinu

Član 1.

(Predmet)

Usvaja se Program utroška sredstava u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Transferi drugim nivoima vlasti, subanalitika LAX015, pozicija „Tekući transfer za JU Institut za zdravlje i sigurnost hrane Zenica - Projekat HPV vakcinacija – Izvor 10“ Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), u ukupnom godišnjem iznosu od 50.000,00 KM (slovima: pedesethiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/25

Datum, 28.02.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava Ministarstva zdravstva na poziciji Transfer drugim nivoima vlasti - „Tekući transfer za JU Institut za zdravlje i sigurnost hrane Zenica – Projekat HPV vakcinacija – Izvor 10“ Budžeta Zeničko-dobojskog kantona za 2025. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2024. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Transferi drugim nivoima vlasti, subanalitika LAX015, pozicija „Tekući transfer za JU Institut za zdravlje i sigurnost hrane Zenica - Projekat HPV vakcinacija – Izvor 10“.

II. SVRHA PROGRAMA

Svrha ovog programa je finansijska podrška Vlade Kantona za Projekat HPV vakcina koje provodi JU Institut za zdravlje i sigurnost hrane Zenica na području Zeničko-dobojskog kantona, a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13). Projekat HPV vakcina kao strategija za prevenciju karcinoma grlića materica sadržavaće sljedeće projektne aktivnosti koje će biti sufinansirane sredstvima iz Budžeta Zeničko-dobojskog kantona za 2025. godinu i to:

1. Planiranje i dizajn kampanje
2. Edukacija mladih osoba
3. Edukacija zdravstvenih radnika
4. Edukacija roditelja i školske zajednice
5. Edukacija opšte populacije korištenjem društvenih mreža
6. Unos podataka i statistička analiza rezultata anketiranja
7. Priprema izvještaja projekta
8. Prezentacija rezultata projekta

Projektom se želi postići povećanje stope vakcinacije ciljane populacije, povećanje nivoa svijesti o povezanosti HPV-a s karcinomom grlića maternice što će potaknuti na vakcinaciju, preventivno ponašanje i redovne ginekološke preglede, smanjenje stigme povezane sa HPV vakcinacijom i stvaranje pozitivnog stava prema HPV vakcinaciji, poboljšanje saradnje sa lokalnim zdravstvenim ustanovama što će rezultirati boljim pristupom vakcinaciji i boljoj integraciji programa u zajednicu, jačanje uloge zdravstvenih radnika kroz provedene edukacije poboljšat će njihovu sposobnost informisanja i poticanja pacijenata na vakcinaciju, poboljšanje saradnje sa školama pridonijeti će podizanju svijesti među mladima adolescentima, njihovim roditeljima i nastavnicima o značaju HPV vakcinacije. Dugoročni učinci uticaće na smanjene incidence karcinoma grlića maternice i poboljšanje općeg zdravlja žena u zajednici.

III. VISINA SREDSTAVA

Sredstava utvrđena ovim programom iznose na godišnjem nivou 50.000,00 KM (slovima: pedesethiljada konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), razdjel 21-Ministarstvo zdravstva, budžetska organizacija

01, potrošačka jedinica 0001, ekonomski kod 614100 – Transferi drugim nivoima vlasti, subanalitika LAX015, pozicija „Tekući transfer za JU Institut za zdravlje i sigurnost hrane Zenica - Projekat HPV vakcinacija – Izvor 10“.

V. KORISNIK SREDSTAVA

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti provodi mjere za unapređenje zdravlja i prevenciju bolesti na području kantona.

VI. KRITERIJ ZA RASPODJELU SREDSTAVA

Kriteriji raspodjele sredstava je Plan utroška sredstava - Projekt HPV vakcina koje provodi Institut za zdravlje i sigurnost hrane Zenica HPV (humani papiloma virus) vakcinacija kao strategija za prevenciju karcinoma grlića maternice koji je JU Institut za zdravlje i sigurnost hrane Zenica dostavila Ministarstvu zdravstva svojim dopisom broj: 02-57/25 od 07.01.2025. godine.

Transferisanje sredstava JU Institut za zdravlje i sigurnost hrane Zenica vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog Programa zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

VII. IZVJEŠTAVANJE KORISNIKA

JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava na način kako će biti određeno odlukom o odobravanju sredstava.

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-_____/25
Datum, 28.02.2025. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a.